



Nombre de la persona traductora: Irla Elida Vargas del Ángel

Lengua: Nawatlahtolli (náhuatl de la huasteca hidalguense)

Tlanohnotsalistli wan kenihkatsa mochiwas ni tlanilistli

Ni Weyitekikalko Instituto Mexicano de la Propiedad Industrial (IMPI) tlanohnotsa siwapilmeh wan okichpilmeh Mexiko ewanilh tlatlahko 6 wan 12 ixiwih ma intekitiseh ipan ni tlanilistli “Jugando; inventamos y creamos”, iasitilis eli ma motlananas iyehyechiwalis, iyankwilis wan itlaixmatilis tlen tlanamikilistli iaxka ika weyitekitl tlen inihwantih kinchiwa ika tlaixmatilli, tepostinih, tonanatallli wan tlen inteligencia artificial kintokachtiah.

KANPA ASIS WAN KENIHKATSA MOTEKPANAS

Welli intekitiseh siwapilmeh wan okichpilmeh Mexiko ewanilh ipan nawi tekpantli:

1. Ixkopintli tlen se tlamantli sanya kichiwa wan kimoyawa imachiyoh.
2. Se kototsi tlatempowalistli noso se tlamantli tlen mochiwas ika tlamawisolli.
3. Se sasanilli tlen videojuego mawiltilistli.
4. Se kwikatl.

TONALLI TLEN MONEKI MOITAS

- Motapos ma moselis weyitekitl: mopewas kema moyolmelawas ni tlanohnotsalistli ipan 10 tonalli tlen diciembre meetstli ipan 2025 xiwitl ipan Mexiko Altepetl.
- Motsakwas: 27 tonalli tlen febrero meetstli ipan 2026 xiwitl ipan 23:59: kawil, (kawil tlen Mexiko Altepetl)
- Tlen kisas: Marzo meetstli tlen 2026 xiwitl ipan www.gob.mx/impi
- Motemakas tlanilistli: Marzo meetstli tlen 2026 xiwitl, ipan Mexiko Altepetl

TLEN MONEKI



Mexiko ewanih, tlatlahko 6 wan 12 ixiwih, itekiyoh tlen sanya kichihtok, motitlanis ika tepostinih (PDF, Word noso PNG). Moneki moamahtlalis iyolmelawalis tlen ahkaya tekitis wan nohkia tlen kichihtok, motlatskis iamahixnexkayoh, iamahtlakatilis wan monankilis amahtlahkwilolli itokah Anexo 2. Ni tekpantli kikixtia wan temakah se melawak powalli kema kiselia weyitekitl tlen motitlanki.

IYOLOH TLAMACHTILTLAMANTLI TLEN NI TLANILISTLI

Nochi weyitekitl moneki kintlaliseh “Kenihkatsa nikwaltias nochinanko” “Cómo mejorar mi comunidad”, kintlatskiltiseh ika tonanatllali, tepostinih noso inteligencia artificial kintokachtiah.

TLEN MONEKI IKA SESEN TEKPANTLI

1. Ixkopintli: amatl carta iwewexkah, técnica tlen kihnekis, itokah wan imachiyoh tlen kichihtok wan kiixpantis, kiixtomas sanika 100 tlahtolli.
2. Tlatempowalistli noso tlamantli tlen mochiwas ika tlamawisolli: 1–2 cuartillas, kema achi weyi 1000 tlahtolli, sankwalli moitas.
3. Sasanilli tlen videojuego mawiltistli: kema achi weyi 2 cuartillas, nohkia motlalis ipanolis, masewalmeh tlen nompona kisah, tlakiya moixnextia, kenihkatsa moolinia.
4. Kwikatli: 1 cuartilla, sanya kiihkwihtok, audio/video tlah kihnekis (kema achi weyi 3 pilkawil).

TLAYEHYEKOLLI

Tlen moitas: ma sanya kichihtok, yankwik, kenihkatsa kinpalewia masewalmeh noso tonanatllali, kenihkatsa motlatskia ika tlanamikilis iaxka, tlah mokahtok tsalantik. Tlen comité kiihtos motlepanitas.

TLANILISTLI (12 tlanilistli ika nochi, 3 ika sesen tekpantli)

- \$16,600.00 MXN pesos tomih
- Moyolmelawas wan mosemoyawas
- Amatl kanpa kinixmatih tekitihtok ipan yani





Economía
Secretaría de Economía



IMPI
INSTITUTO MEXICANO
DE LA PROPIEDAD
INDUSTRIAL



TLAMANTLI TLEN MONEKI MOMATIS

Ni Weyitekikalko IMPI welli kimoyawas weyitekitl wan axkitlailnamas, kitlepanitas ahkaya kichihtok itechpowilis. Tlah motekitis kihtosneki moselia tlen nikah mosenkahtok. Tlah onka se tlamantli amo moitak kisenkawas comité.

KANPA TITITLANIS NOSO TINOTSAS

concursoninasyninos@impi.gob.mx

Tel. 55 5624 0400 (ext. 11425, 11409, 11411, 11410)



2025
Año de
La Mujer
Indígena